




www.BibleForChildren.org


Gen 1




Karenai God bera
kudubina kunumai ma
dobuwai iyamoni.



Kunona na ke aviyavisina sago
ita makamakai da kata kitai,
tuna nakanani ma kwavu bo
bau. Nubakutuva kavakava ma
God Kanumina kiidamowai
ivivi dagudagu da
okowa iriroi.




Vaghina ma God ivona bo, "Yasegana ketupuwa" da
iyaghari. Ma yasegana ivi vavei 'mara' ma nubakutuva
ivi vavei 'didibara.' Ravi ipika, ididibari da mara
karena ikovi. Ma mara itom.




Muriyai ivona bo, "Taraboga, okowa basunai ketupuwa da okowa ketupayaraghi." Nakanani itupuwa ma tarabogina ivi vavei 'kunuma.' Ravi ipika, ididibari ma mara itom. Weni tuna na mara kana viruwa.




Muriyai ivona bo, "Okowa kapinai na ku gawara sago kovi sagomi da dowa kanakanana ina nekiibau," da nakanani itupuwa. Ma dowa kanakanana ivi vavei 'dobu' ma okowina ivi vavei 'yegai.' Ma ikitai da biibiina.




Muriyai ivona bo, "Dowa, gwabimuwai pei ma kii bogii
ma bogiiyai etupuwa da dobuwai ina gogo. Ma ina
rove bo iname da peisi ina rakata." Ma
nakanani itupuwa. Ravi ipika,
ididibari ma mara itom.
Weni tuna na mara
kana viaroba.




Yasegana ghamaghamasi ruwa iyamoni. Ghamana
iyamoni da mara kana vibadana. Ma sago
kayo gisina iyamoni da didibara kana
vibadana. Ma bade gwamegwame
yavata iyamonisi. Ravi ipika,
ididibari ma mara itom. Weni
tuna na mara kana
viruwamaruwa.



Muriyai ivona bo, "Yegai,
gwabimuwai iyana etupuwa
da ina peyari kirakai. Ma
bade kiu kotupuwa da
kiidamowai kona rovo."
Ravi ipika, ididibari ma
mara itom. Weni tuna na
mara kana vimiikovi.




Muriyai ivona bo, "Dobu, gwabimuwai ghamoghamo etupuwa, ghamoghamo manamisi ma dawatetetesi ma ghamoghamo dipa. Bogii ma bogiiyai iti tuwa da natunatusi na ti mani maghimaghighisi." Ma nakanani itupuwa.




Muriyai ivona bo, "Wawaya tayamonisi da maghimaghighita. Ti na dobu kudubina ini badei. Iyana yegiyai ma kiu kiidamowai ma bade ghamoghamo manamisi ma dowatetetesi ma ghamoghamo dipa na kudubina dobuwai ini badesi." God bera kudubina iyamoni ikovi na ikitai da ibiibii kirakai. Ravi ipika, ididibari ma mara itom. Weni tuna na mara kana vimiikovimasago.



Vaghina ma, Bada God tomowina ivopasiya ikovi na
Eden kamonai iterei da ita wayowa ma vao ita
koyaghi.



Ma ina sisiya bagibagina
iterei, ivonei bo, "Weni
vona kamonai kii amame
peyarina kuna kani,
ma kii sago kava na
amena ke kuna kani.
Tuna na Akova Kiina.
Wawaya ina kani na akova
ina veresi da nuwanuwasi
kamonai inakovi da meni
berana na biibiina ma meni
berana na berona. Kuna
kani na vonavaghata da
kuna rabobo."



Ma vaghina, ghamoghamo
manamisi ma kiu kiidamowai ma
ghamoghamo dipa kii vava
iveresi ikovi, ma nani kamoni
na 'Adam' ke kana neva
kiimatana da iti vitei.




Tuna kubiine Bada God iberai da tomowina ikena
irabobo. Ma nani kamoni tuwirina sago
ghabaghabanai ivotawei ma tarabogina na viyonai
ivopotai. Ma tuwirinai wavine
iyamoni ma irutinaneyei
tomowina kurina.



Weni berana kubiine tomowa ina
mamai ma ina maduwa ina voteresi da
kawana yavata ini kiikapu da sago.



God wawaya dobuwai nuwanuwasi ivii
kirakiiyei da Natuna sago kava ma
iverena da iyavo kava ini tumaghane
na ke ina rabobo ma yawasa
makamakii nonowina ina viiya.



Rome 3:23 God na wawaya maninina ma kana kadara irakata kirakai da tota ke kovokovoghina da ita yawasa kati maninini da tuna nakanani, iyamna kudubita na berabero wawayita.

Rome 6:23 Berabero kana miiya na rabobo. Ma ita Bada Yesu Keriso tepanai na God nevana kava ipuyota, tuna puyona na yawasa makamakii nonowina.

Hibru 9:27 God iterei da wawaya sago sago duma mara sago kava ina rabobo ma nani murinai maghinonai ina miiri da ini tupavirei.

Epesas 2:8,9 God ina agabiibai irakata da ami vitumaghana kubiine ivi yawasimi. Weni tuna ke tami ami rewapanai, God nevana kava ipuyomi. Ke tami mani kota berai, tuna kubiine ke kovokovoghina da wawaya ini gheghena meyei.



Rome 10:9,10 Iyi tam kawamatarai kuna vona bo,
"Yesu tuna Bada," ma nuwanuwam kudubinai kuni
tumaghana da Yesu irabobo ma God iberai da rabobowai
ivomiiri na God yawasa makamakii nonowina ina verem.
Nuwanuwam kudubinai kuni tumaghana ma kawamuwai
kuni mamatara na God ina vonakiiyaragha da tam
na ina wawaya maninim ma ini yawasim.

Jon 3:16,17 God wawaya dobuwai nuwanuwasi ivii
kirakiiyei da Natuna sago kava ma iverena da iyavo kava
ini tumaghane na ke ina rabobo ma yawasa makamakii
nonowina ina viiya. Ma God Natuna ivonatawei na ke
dobuwai kovogha ita rereghi kubiine ma
dobu iti yawai kubiine.



1 Jon 5:11-13 Ma sisiyina ivi mamatarei kurita na weni.
God yawasa makamakii nonowina ivereta ma nani
yawasina na Natuna gwabinai taviia.

Ma iyavo kava God Natuna gwabisiyai na yawasa
makamakii nonowina namada iviia. Ma iyavo kava God
Natuna ke gwabisiyai na yawasa makamakii
nonowina ke ita viiia.

Weni sisiyisi agirugiruma kurimi da tami iyavo
kava God Natuna koitumaghane na kotakovi da yawasa
makamakii nonowina namada koviiia.



Gen 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Gapapaiwa Bible (pwg) © 2009, Wycliffe Bible
Translators, Inc. All rights reserved.

<https://live.bible.is/bible/PWGWBT/MAT/1>

©2026 Bible for Children, Inc.

www.M1914.org

www.bibleforchildren.org

